

समा - 12:25 hrs.

<><><><><><>

JK Cabinet Meet

श्रीनगर दे सिविल सचिवालय च मुख्मन्त्री उमर अब्दुल्ला हुंदी अध्यक्षता च कैबिनेट दी इक बैठक लग्गी। एह बैठक किश चिर पैहले गै सम्पन्न होई ऐ। किशतवाड़ ते कठुआ जिले च बददल फटने आली घटना मगरा एह पैहली कैबिनेट मीटिंग लग्गी। इस दौरान मेद ऐ जे हाल च होई दी बददल फटने आली घटनाएं ते पीढितें दी पुर्न ब्हाली आस्तै सरकार दे जतनें ते गें पर चर्चा होई। इस दौरान कैबिनेट च सितम्बर दे अखीरे च श्रीनगर च विधानसभा सत्र लोआने बारे बी चर्चा होई। किशतवाड़ ते कठुआ जिले च बददल फटने आली घटना मगरा ए पैहली कैबिनेट मिटिंग लग्गा रदी ऐ। इस दौरान मेद ऐ जे हाल च होई दी बददल फटने आली घटनाएं ते पीढितें दी पुर्न ब्हाली आस्तै सरकार दे जतनें ते गें पर चर्चा होग। कैबिनेट च सितम्बर दे अखीरे च श्रीनगर च विधानसभा सत्र लोआने बारे बी प्रस्ताव कीता जाई सकदा ऐ।

<><><><><><>

CM Victims Meet

मुख्मन्त्री उमर अब्दुल्ला होरें किशतवाड़ ते कठुआ च बददल फटने आहली घटना मगरा पीढितें गी दिती जा रदी राहत सहायता आले कम्में दा जायजा लैता। कल इक उच्च स्तरीय बैठक दी प्रधानता करदे होई मुख्मन्त्री होरें फौरी तौरा पर बचाव ते राहत कम्में, लाजमी सेवायें दी ब्हाली ते आपदायें शा बचाव लेई सशक्त ते असरदार रणनीति तयार करने दी जरूरत पर बल दिता। चसोती गां च होई दी त्रासदी बारे गल्ल करदे होई उनें संवेदनशील क्षेत्रें च नियम-कायदे दी सख्ती नै पालना करने दी जरूरत उप्पर बी जोर पाया। उनें गलाया जे मुख्म प्राथमिकता राहत कम्में ते पुर्नबहाली गी दिती जा, सरकार पुर्ननिर्माण आहले कम्मै च पूरा-पूरा सहयोग करौग। उनें आक्खेया जे जिसलै तगर बिजली सप्लाई आहला ढांचा ब्हाल नैई हुंदा उसलै तगर Generators राएं बिजली दी उपलब्धता यकीनी बनाई जा।



Khelo India Water Sports

श्रीनगर च आयोजित Khelo India Water Sports उत्सव-2025 लेई अज्ज दुए रोज बी लोकें दा उत्साह बरोबर जारी ऐ। त्रै रोज इस कार्यक्रम दी शुरुआत कल होई ही। कश्मीर थ्वा कल 17 बरे दे शकारे आहले मोहसीन अली नै पैहला सुन्नै दा तगमा हासल कीता। मोहसीन नै डल झील च शकारा चलांदे होई मर्दे दी 1000 मीटर Kayaking Race करीबन 4 मिन्ट 12 इशारिया 4-1 सकेड च पूरी कीती ते ओडिशा ते मध्यप्रदेश दे प्रतिभागियें गी हराई दिता। इक होर मकाबले च उत्तर प्रदेश दे विशाल कुमार नै मर्दे दे एकल 1000 मीटर कनोईंग Race गी 4 मिन्ट 30 इशारिया 5-9 Second च पूरा करियै सुन्ने दा तगमा हासल कीता। खेड् मंत्री मनसुख मांडविया होरें इस कार्यक्रम दा वर्चुआल माध्यम राए उदघाटन कीता। उदघाटन समारोह च उप-राज्यपाल मनोज सिन्हा, मुख् मंत्री उमर अबदुल्ला हुन्दे सनें होर कैई मन्ने परमन्ने दे लोक मौजूद हे।



Online Gaming

मुख् भरै आहला लेखा जम्मू-कश्मीर दे बसनीकें दी ऑनलाइन गेमिंग बिल-2025 गी संसद दी मंजूरी थहोने दा स्वागत करदे होई- इसी इक्क प्रगतिशील गैं करार दिता ऐ- जेड़ी युवाएं दी ऊर्जा गी रचनात्मक कम्मैं च लाने च मदाद करोग। मकामी लोकें विश्वास जताया ऐ जे एह बिल बड़ी तेजिया कन्नै बदा करदे ऑनलाइन गेमिंग सैक्टर च पारदर्शिता- जवाबदेही ते सुरक्षा यकीनी बनाने दे कन्नो-कन्नी युवाएं लेई नमें मौके बी पैदा करोग। विद्यार्थियें दे माता-पिता ते शिक्षकें बी इससै चाली दे बिचार सांझे करदे होई आक्खेया ऐ- जे इस नमीं बवस्था कन्नै युवाएं अंदर ऑनलाइन गेमिंग दी लत ते एहदे माड़े इस्तेमाल गी रोकने च मदद मिलोग।



JMC Drive

जम्मू म्युनिसिपल कारपोरेशन आसेया जरूरतमंद लोकें च कपड़े, जूते, कम्बल, जम्मू म्युनिसिपल कारपोरेशन आसेया जरूरतमंद लोकें च कपड़ें-जूतें-कम्बल-कताबां ते होर दूआ समेयान बंडने बारे इक मुहिम चलाई गई। एदा मकसद पर्यावरण दी साम्भ-सम्हाल ते समाज दी भलाई-बेहतरी हा। JMC दे कमीशनर डाक्टर देवांश यादव होरें बची दियें चीजें दा परतियै इस्तेमाल करने पर जोर पाया। JMC नेही होर मुहिमें गी जिला स्तह पर आयोजित करने दी योजना बना रदी ऐ। एह कम्म जिला प्रशासन कन्नै रलियै कीता जाग तां जे कचरें दे प्रबंधन प्रति लोकें च जागरुकता पैदा कीती जाई सकै। कारपोरेशन नै किश्तवाड़ दे चशोती पाडर आले पीढ़ितें गी राहत सहायता देने दी बी घोषणा कीती। डाक्टर देवांश यादव होरें नागरिकें गी अपील कीती जे ओ जम्मू गी साफ-स्वच्छ-हरा-भरा बनाने लेई किट्ठे रलियै सक्रियता कन्नै जतन करन।

<><><><><><>

Anti Trafficking

जम्मू-कश्मीर Crime Branch नै गृह मामले सरबंधी मंत्रालय दे सहयोग कन्नै श्रीनगर दे तगोर हाल च केन्द्र शासित प्रदेश स्तह पर मानव तस्करी खिलाफ इक कांफ्रेंस दा आयोजन कीता। एदा मकसद विद्यार्थियें ते आम लोकें गी मानव तस्करी बारे दस्सना-दसाना हा। IGP Crime Branch Sujit Kumar ते Special D.G. Coordination S.J.M. गिलानी होरें इस कबैतू खिलाफ किट्ठे रलियै जतन करने दा सब्भनै गी आहवान कीता।

<><><><><><>

Weather

मौसम विभाग नै जम्मू-कश्मीर च 23 थमां 26 अगस्त तककर भारी बरखा ते अंधी-झक्खड़ झुलने दी पेशगोई कीती ऐ। जम्मू-रियासी-उधमपुर=साम्बा-कठुआ-राजौरी-अनंतनाग ते कुलगाम इलाके एदे करी प्रभावित होगन जिस्सलै कि पुंछ-रामबन-डोडा ते किश्तवाड़ च दर्मयानें दर्जे थमां भारी बरखा पेई सकदी ऐ। इस अवधि दौरान विभाग आसेया बददल फटने-चानचक्क हाड़ औने-लास पस्सियां पौने ते कुप्पड़ पौने दी चेतावनी जारी कीती गई ऐ। लोकें गी सलाह दिती गई ऐ जे ओ दरेयाएं ते नालें दे कंडे नई जान ते सुरक्षा उपाएं गी अपनान।

प्रशासन नै सारे जरूरी एहतियाती उपा अपनाने ते प्रशासन आसेया जारी दिशा-निर्देशों दी पालना करने लेई आक्खेया ऐ।

<><><><><><>

PTC Announcement

आकाशवाणी जम्मू दे क्षेत्रीय समाचार एकांश आसेआ जम्मू जिले लेई अंशकालिक संवाददाता यानि PTC लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 बरें दे बश्कार ऐ ते ओह जम्मू जिले दा रौहने आहला ऐ, एदे लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोइचदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंध्यत लोइचदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोइचदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू च 31 अगस्त 2025 संज्रा 6 बजे कोला पैहले- पैहले आइए दस्ती जमा करोआनी होग। इस बारे व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

Read by : **Shruti Khajuria**
Composed : **Rajni Devi**
Skilled : **Rajat Paul**
Editor : **Abhilasha Sharma**